

D'Integratiounscouch steet zu Duellelem

„Spilldierfchen INACOBADO“ gewënnt Concours vun „LEADER Miselerland“



Foto: airm

Zesumme setzen op der Integratiounscouch zu Duellelem

MENSTER
ARMAND JAMINET

Am August 2012 hat „LEADER Miselerland“ de Concours „Integratiounscouch“ lancéiert, an zwar an Zesummenaarbecht mam OLAI („Office luxembourgeois de laœuvel et de l'intégration“), der ASTI, an de 14 Museelgemengen - Betzder, Bous, Duellem, Fluessweiler, Greiwemaacher, Lenneng, Manternach, Mäertert, Munnerf, Réimech, Schengen, Stadriedemes, Waldriedemes a Wormer -, déi Member am GAL („Groupe d'Action locale“) sinn. Schlussendlech si 15 Projeten an zwielef Gemengen realiséiert ginn, Betzder a Stadriedemes hate sech net bedeelecht.

Zu Menster goufen kierzlech a Präsenz vun Minister Nicolas Schmit, d'Prätsgeleider un déi dräi Gewënnere aus Duellem, Maacher a Waldriedemes verdeelt, wou den éischte

Präis mat 3.000 Euro dotéiert wor. Mat dem Concours „Miselerland Integratiounscouch“ wollt LEADER Miselerland, souwuel de Lëtzebuerger wéi och de Matthieger, déi hir Wierzelen am Ausland hunn, virun eng Erausforderung stellen. Et sollt en Zeeche gesat ginn géint de Widerstand, géint Veräinmerung fir d'Oppenheet a fir d'Diversitéit vun de Mënschen an deser Regioun vun Land, symboliséiert duerch Bänken oder allgemeng Sëtzmöwelen.

Dräi Institutiounen,

eng Zesummenaarbecht

Fofzëng Creatioune sinn doropshin entstam. Si hunn elo hir Plazen an de Gemengen aus dem Miselerland fonnt a lueden derzou an, sech zesummen ze setzen, ze poteren an ze diskutéieren, seen den anere kennen ze léieren an d'Ängschten ofzebauen.

Ganz no beiseenen leien zu Duellem d'Schoul, d'Maison Relais a den „Foyer

la Cérésaie Fondation Kraizbieng“, awer jiddereen blouf ëmmer ee wéineg ënnert sech. Aus dem Grund hu sech d'Maison Relais, d'Awunner vun der Cérésaie, d'Jugend aus der „Maison des Jeunes“, d'Kommissioun vun Drëitën Alter, Dammen aus dem Duerf, d'Gemeng Duellem selwer, de Fieschter a seng Aarbechter, mä och verschidden Handwërksbetriber zesummen gedoen, fir dëse Projet ze realiséieren, deen elo an der Kierlingerstrooss, direkt virun der Zentralschoul zu Duellem, seng Plaz huet.

Eng neutral Plaz

Déi Duellemer gesinn „Spilldierfchen INACOBADO“, wat am Fong „Onfänger Spilldierfchen“ heescht, als neutral Plaz fir sech zesummen ze fannen, déi si och an Zukunft weiderlewe loosse mat regelméissegem Aktivitéiten an Treffen, wou jiddere sech kann zu all Zäitpunkt dobäi setzen. ●